

Marlon Croes di DOW

Caya grandi ta 99% cla

ORANJESTAD – Caya grandi a ricibi un facelift durante e ultimo dos pa tres añanan. Awo a yega na un punto cu caya grandi ta 99% cla den su totalidad. Segun director interino di Departamento di Obran Publico, Sr. Marlon Croes, tin otro puntonan cu tin cu wordo caba y ainda e contratistanan ta cu vacacion. Nan lo cuminsa traha bek entrante awe, dia 13 di januari. Consecuentemente e trabaonan preparatorio ta cuminsa unda cu mañan, di parti di DOW, lo bay tin reunionnan interno riba e proyecto y despues reunion cu gerencia di e contratista, pa mira con ta bay caba cu e proyecto hunto. Awe por cuminsa mira e trabaonan cu ta bay tuma luga pafo di caya.

VISUALISACION

A base di tur e dianan aki cu a pasa, awa a yobe, e cantidad di hendenan cu a bishita caya



grandi den december, ora ta traha un proyecto asina den un computer, por visualisa cierto cosnan di loke kier bay yega. Segun Croes, tin cu mira con e comunidad a comporta su mes, con automobilista a comporta su mes den e plan ora cu caba di implementa, ta bay haya cierto puntonan cu tin cu mehora. A reconoce algun di e pun-

tonan debi cu tin cu wordo coregi den e luna entrante, el a splica.

PERIODO DI MANTENCION

Normalmente ora cu un trabao grandi asina, of cualkier otro trabao, ora e wordo entrega, tin un periodo di mantencion di e contratista. Ora cu tin mapa den dje, e contratista tin cu duna un aña di garantia di e periodo di mantencion. Esey ta na momento cu fiha e fecha ey, e periodo di mantencion di parti civil tin cu tuma luga pa e contratista y e mapanan lo wordo manteni pa e proximo aña pa e contratista tambe. Na momento ey e ta bay pa gobierno. Den e caso ey, tin cu duna prioridad di mantencion y uzo. Esey kiermen cu Gobierno ta bay ta ocupa ta institui un body totalmente nobo cu ta wordo forma pa e sector publico, cu



e body nobo aki lo regula e mantencion di caya grandi, wak pa e limpieza di e luga tuma luga, pa e edificionan wordo manteni y tambe haci real estate cun'e. Stimula e comerciantenan, e doñonan di edificio pa haci milho uzo di e edificionan, pa asina haya un caya cu ta vibrando.

ATENCION

Basicamente por bay mira un caya cu no ta yega traha y bay lag'e, sino e tin cu keda haya su atencion pa un temporada

sinembargo te ora cu tur cos bay bao di un otro encargo. Segun Croes, normalmente tin cu mira caya, pa haci vibrando, tin cu haci cambionan grandi, loke ta wordo haci awor aki. A caba di haci e parti di hardware, esta pone mapa, pavers, pone rails, pone fontein, cu e mester keda bibo y manteni. P'esey mester bin cu un manera di mantencion cu por wanta e proximo 30 pa 40 añanan, Croes a splica. □



Marlon Croes di DOW

No por abastece tiendanan durante dia

ORANJESTAD – Manera cu a wordo menciona caba, caya ta den su recta final pa keda cla. Den e contractistanan ta cuminsa traha atrobe y esey ta conta tambe pa e contratista principal cu tin henter e construccion di caya grandi den su man. Si por mira e infraestructura, el a keda masha bunita mes, sinembargo tin varios rekisito cu no solamente e bishitantenan tin cu tene cuenta cun'e, pero tambe e comerciantenan. Segun Marlon Croes, director interino di DOW (Departamento di Obran Publico) den caya grandi tin varios cos nobo buta. E bid lo bay bin cu un maneho con caya lo

tin cu wordo uza. Con lo bay parkeer dilanti e tiendanan. E aspecto a bin dilanti den e planificacion, pero el a keda na e plan. Awor aki ta bay wordo ehecuta manera e plan ta. E bid tin cu bay percursa riba tur e palabracionnan cu tin cu e comerciantenan, cu pa corda abastece patras y no abastece durante dia, pero durante oranan di mainta of anochi pa e luga por causa menos molester na e bishitantenan di caya grandi y cuminsa cu inversion cu wordo haci. No lo bay tin cambio den trafico mas. Durante di construccion lo bay tin cambio, pero manera cu caba cu tur cos, e lo bay funciona manera mester ta. □

